

# Agenda – Y Cyfarfod Llawn

---

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 25 Hydref 2017

Amser y cyfarfod: 13.30

## 98(v3)

---

### 1 Cwestiynau i Ysgrifennydd y Cabinet dros Gyllid a Llywodraeth Leol

(45 munud)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i Ysgrifennydd y Cabinet ar ôl cwestiwn 2.

[Gweld y Cwestiynau](#)

### 2 Cwestiynau i Gomisiwn y Cynulliad

(15 munud)

[Gweld y Cwestiynau](#)

### 3 Cwestiynau Amserol

(20 munud)

Gofyn i Ysgrifennydd y Cabinet dros Gymunedau a Phlant:

[Mark Isherwood \(Gogledd Cymru\)](#): A wnaiff Ysgrifennydd y Cabinet ddatganiad am y Rhaglen Targedu Buddsoddiad Adfywio, yn dilyn ei lansiad ar 20 Hydref 2017?

Gofyn i Ysgrifennydd y Cabinet dros Addysg (i'w ateb gan Weinidog y Gymraeg a Dysgu Gydol Oes):



[Darren Millar \(Gorllewin Clwyd\)](#): A wnaiff Ysgrifennydd y Cabinet ymateb i ddata sy'n dangos bod myfyrwyr o Gymru yn cyfrif am 2 y cant yn unig o'r myfyrwyr a dderbyniwyd i Rydychen a Chaergrawnt y llynedd?

#### **4 Datganiadau 90 Eiliad**

(5 munud)

#### **5 Dadl ar Gynnig Deddfwriaethol gan Aelod**

(30 munud)

#### **NDM6350 [Simon Thomas \(Canolbarth a Gorllewin Cymru\)](#)**

Cynnig bod Cynulliad Cenedlaethol Cymru:

1. Yn nodi cynnig ar gyfer Bil a fyddai'n addasu'r broses gynllunio fel bod rhagdybiaeth yn erbyn hollti hydrolig (ffracio).
2. Yn nodi mai diben y Bil hwn fyddai amddiffyn tirwedd Cymru ac iechyd y cyhoedd.

Yn unol â Rheol Sefydlog 12.23 (iii), ni ddewiswyd y gwelliant a gyflwynwyd i'r cynnig hwn.

#### **6 Dadl ar adroddiad y Pwyllgor Cydraddoldeb, Llywodraeth Leol a Chymunedau: Cymunedau yn Gyntaf – yr hyn a ddysgwyd**

(60 munud)

#### **NDM6547 [John Griffiths \(Dwyrain Casnewydd\)](#)**

Cynnig bod Cynulliad Cenedlaethol Cymru:

Yn nodi adroddiad y Pwyllgor Cydraddoldeb, Llywodraeth Leol a Chymunedau ar yr ymchwiliad i dlodi yng Nghymru, 'Cymunedau yn Gyntaf – yr hyn a ddysgwyd', a [osodwyd](#) yn y Swyddfa Gyflwyno ar 18 Hydref 2017.

Nodyn: [Gosodwyd](#) ymateb Ysgrifennydd y Cabinet dros Gymunedau a Phlant i'r adroddiad yn y Swyddfa Gyflwyno ar 18 Hydref 2017.

## 7 Dadl y Ceidwadwyr Cymreig

(60 munud)

### NDM6546 [Paul Davies \(Preseli Sir Benfro\)](#)

Cynnig bod Cynulliad Cenedlaethol Cymru:

Yn credu na ddylid gweithredu treth dwristiaeth yng Nghymru.

Cyflwynwyd y gwelliannau a ganlyn:

#### Gwelliant 1. [Jane Hutt \(Bro Morgannwg\)](#)

Dileu pob dim a rhoi yn ei le:

Cynnig bod Cynulliad Cenedlaethol Cymru:

1. Yn nodi:

a) bod Deddf Cymru 2014 yn cynnwys pwerau i Gymru gynnig trethi newydd mewn meysydd cyfrifoldeb datganoledig;

b) bwriad Llywodraeth Cymru i brofi cyfundrefn Deddf Cymru ar gyfer cynnig a chyflwyno trethi newydd mewn meysydd cyfrifoldeb datganoledig;

c) yn dilyn adborth gan y cyhoedd bod treth dwristiaeth bosib wedi'i nodi fel cynnig i'w ystyried; a

d) nad oes penderfyniad wedi'i wneud i gyflwyno treth newydd yng Nghymru.

['Deddf Cymru 2014'](#) (Saesneg yn unig)

*[Os derbynnir gwelliant 1, caiff gwelliant 2 ei ddad-ddethol]*

#### Gwelliant 2. [Rhun ap Iorwerth \(Ynys Môn\)](#)

Dileu pob dim a rhoi yn ei le:

Cynnig bod Cynulliad Cenedlaethol Cymru:

Yn credu y dylid gweithredu treth ar blastigau tafladwy yng Nghymru.

## 8 Dadl Plaid Cymru

(60 munud)

### NDM6549 [Rhun ap Iorwerth \(Ynys Môn\)](#)

Cynnig bod Cynulliad Cenedlaethol Cymru:

1. Yn mynegi pryder ynghylch cyflwyno credyd cynhwysol.
2. Yn credu y dylid datganoli rheolaeth weinyddol dros les fel y gall Llywodraeth Cymru newid amllder y taliadau, dod â'r diwylliant o sancsiynau i ben, a sicrhau bod taliadau yn mynd i unigolion nid cartrefi.

Cyflwynwyd y gwelliannau a ganlyn:

#### Gwelliant 1. [Paul Davies \(Preseli Sir Benfro\)](#)

Dileu pob dim a rhoi yn ei le:

Cynnig bod Cynulliad Cenedlaethol Cymru:

1. Yn cydnabod y pryder sy'n bodoli ynghylch cyflwyno credyd cynhwysol.
2. Yn croesawu'r egwyddorion y tu ôl i'r credyd cynhwysol, sef rhoi help llaw i bobl gael gwaith, ac yn nodi pan y rhagwelwyd credyd cynhwysol gan y Ganolfan Cyfiawnder Cymdeithasol, canfuodd fod y rhan fwyaf o bobl sy'n hawlio budd-daliadau yn awyddus i weithio ond yn cael eu dal yn ôl gan system nad yw'n ysgogi cyflogaeth.

*[Os derbynnir gwelliant 1, caiff gwelliant 2 ei ddad-ddethol]*

#### Gwelliant 2. [Jane Hutt \(Bro Morgannwg\)](#)

Dileu pwynt 2 ac ychwanegu pwyntiau newydd:

Yn nodi'r effaith ddinistriol ar deuluoedd sy'n agored i niwed o ran pryder, dyled, digartrefedd a salwch meddwl yn sgil cyflwyno'r credyd cynhwysol sy'n rhoi pwysau sylweddol ar wasanaethau cyhoeddus datganoledig.

Yn credu ei bod yn un o egwyddorion sylfaenol pwysig y wladwriaeth les y dylid rhannu risgiau yn deg ar draws cymdeithas ac y dylid rheoli costau a thaliadau lles a'r broses weinyddu lles ar lefel y DU, felly.

Yn galw ar Lywodraeth y DU i wrthdroi ei thoriadau niweidiol i les, oedi cyn cyflwyno'r credyd cynhwysol a mynd i'r afael â'r pryderon sylfaenol sy'n cael eu codi.

## 9 Cyfnod Pleidleisio

### 10 Dadl Fer

(30 munud)

**NDM6548 [Russell George \(Sir Drefaldwyn\)](#)**

Darparu gofal sylfaenol yn Llanidloes: dull arloesol o leddfu'r pwysau ar feddygon teulu

Cynhelir Cyfarfod Llawn nesaf y Cynulliad am 13.30, Dydd Mawrth, 7 Tachwedd 2017